



S Conradus ex illustri comitum Sueviæ familiā natus est, ex quibus etiā Guelfones procreati sunt. Pater eius erat Heinricus comes in Altorff, & Ettico avus, atq; mater Beata, comitissa de Hochenuuart. Ab ijs ergo Conradus optimis literis ab ineunte ætate institutus, & in uera pietate educatus fuit. Postea uero ad Constantiensem Ecclesiam promotus, eius collegij præpositus ordinatus est. Is enim eruditione & pietate cæteros omnes superabat. Cum autem eo tempore, anno Domini círciter 930. Ottone magno Imperiū Romanorum administrante, multi ex Europa religionis gratia in Syriam peregrinarentur, ut sepulchrum Domini & loca sancta inuiserent, Conradus quoq; ter iter illud periculosum ingressus perfecit, atq; semper incolumis domum rediit. Paulo post Nothingus præfus Constantiensis mortuus est. Eo cum uocatus esset S. Huldricus præfus Augustanus, statim Cōradi doctrinam & pietatem admiratus, sua authoritate effecit, ut S. Conradus Episcopus anno 935. eius loci eligetur. quam tamē functionem multis laboribus oneratam inuitus adiit. Verūm Huldrici precibus uiictus obtemperauit, atq; sedulò de uera religione propaganda & restauranda cum eo contulit. cum etiam araneam in calice sumpsiasset, eam postea illæsus reddidit.